

René *etc.*, a tous *etc.*, salut. Savoir faisons que aujourduy, dates de ces *presentes*
nostre amé et feal conseiller et receveur *general* de Lorraine, Anthoine
Warin de Gerbeviller, est entré en *nostre* foy et *hommage*, et a reprins de
5 nous tout ce *entierement* qu'il tient de fied en *nostre dit* duche de Lorraine, et
nous a promis foy, service et liaulté, *comme* le fied le requiert aussi
d'en bailler son adveu et denombrement dedans le temps et par la
maniere acoustumee, a quoy l'avons receu sauf *nostre* droit et l'autrui.
Si mandons a tous noz *justiciers*, *officiers*, hommes et subgetz et a *chacun* deulx,
10 si *comme* a luy *appartiendra*, que si par faulte de reprinse et devoir nous
fait, on avoit mis la main, saisis ou empeschez aucunes pieces de
ses heritaiges, que *incontinent* et sans delay ilz en lievent la main et len
laissent joyr et user *plainement* et *paisiblement* sans aucun contredit,
car ainsi le voulons et nous plait estre fait. Donné en la cité
15 de Toul le XXII^e jour de septembre mil IIII^C LXXIII. Signé René, par
monseigneur le duc *etc.* Jo. Lud.